

## ՊՈՂՈՍ ՏԱՐՈՆԱՑԻՆ ԹՈՆԳՐԱԿԱՆ ՇԱՐԺՄԱՆ ՄԱՍԻՆ

### Հ. Գ. ՄԱՆՈՒԶԱՐՅԱՆ

Բազրատունյաց թագավորության վերջին տասնամյակներում Արևելքում հզորանում են սելջուկ-թուրքերը: Վերջիններիս առաջխաղացումից վախենալով, Բյուզանդական կայսրությունը ձգտում էր ամրացնել իր արևելյան սահմանները և հատկապես՝ ամրանալ Հայկական լեռնաշխարհում: Զանազան խարդավանքներով այս ձգտումը իրագործվեց 967 թ.<sup>1</sup> Տարոնի մեծ մասը, 1000 թ.<sup>2</sup> Տալթի, 1021 թ.<sup>3</sup> Վասպուրականի և, վերջապես, 1045 թ.<sup>4</sup> Անիի թագավորության գրավումով: Նվաճված Հայաստանում բյուզանդացիները ծավալում էին հատկապես դավանական հալածանք: Նրանք ցանկանում էին Հայաստանի քաղաքական անկախությունը վերացնելուց հետո վերացնել նաև հոգևոր անկախությունը: Ահա այս քաղաքականությունը նկատի ունենալով, XI դարի վերջին և XII-ի I քառորդում ապրած մատենագիր Պողոս Տարոնացին գրում է. «...Իսկ սին և ժանդ, պիղծ և վատթար արանցդ, որք են ի մեր ժամանակս թագաւորքդ և իշխանքդ, մորոսամիտք եղևալք՝ հայհոյեն զհայս և նախատեն», և թողած ալազգիներից եկող վտանգը, «ընդ մեզ պատերազմին»<sup>5</sup>: Բյուզանդական այս անխոհեմ քաղաքականությունը հետևելով է սելջուկների արշավանքը, և արդեն Մանադկերտի ճակատամարտից հետո Բյուզանդիան զրկվում է հայկական հողերից<sup>6</sup>: Սոսկալի ավերումների ու կոտորածների առաջին զոհ էր դառնում Հայաստանի դաշտային՝ անպաշտպան շրջանների բնակչությունը: Համեմատաբար իրենց ինքնուրույնությունը պահպանել էին Զորագետի Կյուրիկյան, Կապանի Սյունյաց թագավորությունները և Սասունի ու Մարաշի հայկական անկախ իշխանությունները: Ուստի պատահական չէ, որ անկախություն ունեցող այս շրջաններն էլ պայքարում էին բյուզանդական դավանական հալածանքների դեմ: Ինչպես նշում է պրոֆ. Լ. Մելիքսեթ-Բեկը՝ «Հույն-բյուզանդական և հարակից մտայնության դեմ հայ իրականության մեջ գաղափարական պայքար էր մղվում ԺԱ—ԺԲ դարերում երկու ճակատով: Դրանցից մեկն էր «Հյուսիսային վարդապետներ»-ի մղած պայքարը, ղեկավարությամբ խոշորագույն գիտնական... Հովհաննես սարկավադ... Հաղբատեցու...: Պայքարի երկրորդ ճակատը ղեկավարում էին Տարոնում, «Հարավային վարդապետներ»-ը,

<sup>1</sup> Երկարեակների սրբադործած քաղաքական այս գիծը շարունակվեց նաև հետագայում, Կիլիկյան Հայաստանում: Տե՛ս Հ. Անասյան, Վարդան Այդեկցին իր նորահայտ երկերի լույսի տակ, «Բաղմավես», 1968, էջ 246:

<sup>2</sup> «Թուրք երանելույն Պողոսի Տարոնացոյ յաղթող ախօյեան վարդապետի՝ ընդդէմ Թէոփիստեայ հոռոմ փիլիսոփային», Կ. Պոլիս, 1752, էջ 274:

<sup>3</sup> Ս. Ս. Երեմյան, Հիպարիտ զորավարը և նրա նախորդները, ռե. Մատի անվան կաբինետի աշխատություններ, 1947, № 3, էջ 171:

որոնց գլխավորում էր Պողոս Տարոնեցին: Հովհաննես Սարկավագ Վարդապետ Հաղբատեցու և Պողոս Տարոնեցու՝ այս երկու պայծառ ղեմքերի՝ ուսերին էր ծանրանում գաղափարական պայքարն ընդդիմադիր ուժերի ոտնձգությունների դեմ»<sup>4</sup>:

Եթե Հյուսիսային վարդապետների առաջնորդ Հովհաննես Իմաստասերի գրական ժառանգությունը հանգամանորեն ուսումնասիրվել է, ապա Հարավային վարդապետների ձանաչված առաջնորդ Պողոս Տարոնացին դեռևս չուսումնասիրված հայ մատենագիրներից է: Լեզբյուրների կցկտուր վկայությամբ, նա ապրել և ստեղծագործել է Տարոնի Առաքելոց կամ Ղազարի վանքում, XI—XII դդ., նրա օրոք մշակութային այդ կենտրոնը բարձր ծաղկման էր հասել: Մատթեոս Ուռհայեցու վկայությամբ, մեծ գիտնականի համբավ վայելող Պողոս Տարոնացին մահացել է հայոց ՇՀԻ (1123) թ. «Յայսմ ամի (:ՇՀԲ:) մեռաւ մեծ իմաստասէրն Հայոց Պողոս վարդապետն. սա երեւալ այր իրաշալի, տեղեակ Հին և Նոր կտակարանացն, առաջին սուրբ վարդապետաց, երկրորդ լուսաւորիչ երեւալ Տանս հայոց և վէմ աղամանդեայ ընդդէմ հերձուածողաց...»<sup>5</sup>: Տարոնացու վաստակը բարձր են գնահատել թե՛ իր ժամանակակիցները, թե՛ հաջորդ սերունդները: Այդ են վկայում Մատթեոս Ուռհայեցու հաղորդած տեղեկությունները և իրենից՝ Տարոնացուց, մեկ հասած մի քանի աշխատությունների մոտ 90 ընդօրինակությունները: Դրանք վերաբերում են հայ դավանաբանական պայքարի պատմությանը և լույս են սփռում XI—XII դդ. Հայաստանում գոյություն ունեցող ներքին և արտաքին հասարակական հարաբերությունների վրա:

Տարոնացու գլխավոր երկը «Թուղթ Երանելւոյն Պողոսի Տարոնացոյ յաղթող ախոյեան վարդապետի ընդդէմ Թևոփիստեայ հոռոմ փիլիսոփային» աշխատությունն է: Ըստ հիշատակությունների<sup>6</sup>, Թևոփիստեն Միջագետքի կառավարիչ Առոն իշխանի դպրապետն էր, և նրա հրամանով դավանաբանական թուղթ է գրել և ուղարկել Տարոնի Չորտվանել իշխանին (1073—1127)<sup>7</sup>: Վերջինս այս թուղթը 1101 թ. օգոստոսին ուղարկել է Մուշի Առաքելոց վանքի վանահայր Պողոս վարդապետին՝ սլատասխանը գրելու: Տարոնացու առաջաբանում կարդում ենք՝

«...Իսկ ես նուստ ծառայս աստուծոյ... վարդապետս Պողոս, զթուղթս զոր գրեցիք՝ ընկալեալ ընթերցայ, և հասու եղէ ամենայն գրելացս, որ ի նամակի աստ, զոր առաքեցիք յառաջնմէ, և բերաւ առ իշխանն Հայոց Սասանու՝ առ նովերսիմոսս Չորտուանելս, որ յաթոռն կայ, և նոյն ժամայն առ մ'իգ հասուցին զգիրս քոյ, յամսեանն օգոստոսի, և ի թուականութեանս Հայոց ՇՄ և բերաւ ի վանքս Ղազարու: ...Եւ ես առ քեզ պատասխանի համառօտ բանիւր փոքր ի շատէ»<sup>8</sup>:

<sup>4</sup> Լ. Մեյիքսեթ-Բեկ, Պողոս Տարոնեցի..., «Էջմիածին», 1960, № 4, էջ 38:

<sup>5</sup> Ա. Գ. Արքայան, Հովհաննես Իմաստասերի մատենագրությունը, Երևան, 1956: Մ. Թեյլոր-Ջեյ, «Խոռոլո մեծոյտա Լոմեթա մոմոյն» ըս մատր յեմտնա, ԹԳ, 1928:

<sup>6</sup> Մատթեոս Ուռհայեցի, Ժամանակագրություն, Վաղարշապատ, 1898, էջ 355:

<sup>7</sup> ՏԼՆ Գ. Հովսեփյան, Հիշատակարանը ձեռագրաց, Անթիլիաս, 1951, էջ 316:

<sup>8</sup> Չորտվանելի մասին տե՛ս ն. Ակիսյան, Թոնիկյանց ճյուղագրությունը, «Մատենադրական հետազոտություններ», հատ. Դ, Վիեննա, 1938, էջ 49—88:

<sup>9</sup> Պողոս Տարոնացի, նշվ. աշխ., էջ 13:

Տարոնացին դիտնականի մեծ հմտությամբ և բարեխղճությամբ է կատարում իր պատվիրատուի ցանկությունը: Նույն 1101 թ. գրում է Թեոփիստեի թղթի համառոտ պատասխանը՝ «Պատճառն հարցաքննության ընդ հայք և ընդ հոռոմս» վերնագրով, իսկ իր կյանքի վերջին շրջանում՝ 1122—1123 թթ., ընդառաջելով մերձավորների խնդրանքին, ընդարձակում է այն և դարձնում ծավալուն մի երկասիրություն<sup>10</sup>:

Թեոփիստեի՝ Չորտվանելին հղած թղթից փոքրիկ հատվածներ պահպանվել են Տարոնացու աշխատություններում, որտեղից և պատկերացում ենք կազմում նրա շոշափած հարցերի մասին: Այստեղ պարզ երևում է, թե ինչպես «երկաբնակ Առօն» և «միաբնակն Չորտուանել» իշխանների բանակների փոխարեն բախվում են XI—XII դդ. գերիշխող հասարակական-քաղաքական գաղափարները: Թեոփիստեի և Տարոնացու ընդդիմադիր աշխատությունների հիմնական առանցքը հայ-բյուզանդական հարաբերություններն են, սկսած V դարից՝ քաղկեդոնական խնդիրներից, մինչև XII դարը, դարձյալ քաղկեդոնական խնդիրները, որոնք, սակայն, ունեն ղերազանցապես քաղաքական բովանդակություն: Այնուամենայնիվ XII դարում կայսրությանը հուզող հիմնական հարցը Հայաստանի քաղաքական դիրքորոշման խնդիրն էր և ոչ թե Քրիստոսի բնության, որի անվան տակ բյուզանդական կառավարող շրջանները քողարկում էին իրենց ագրեսիվ մտադրությունները:

Թեև կողմերը հիմնականում ծանրանում են դավանաբանական ու ծիսական բնույթի հարցերի վրա, բայց հաճախ շոշափում են նաև ժամանակակից հասարակությանը հուզող արժեքավոր հարցեր: Հատկապես կարևոր են Տարոնացու հաղորդած տեղեկությունները Թոնդրակյան շարժման մասին:

IX դարից սկսած Հայաստանը թևակոխում է զարգացած ֆեոդալական հարաբերությունների շրջանը: Այս ժամանակաշրջանի Հայաստանի քաղաքական պատմության առանձնահատուկ կողմերից մեկը դասակարգային պայքարի նոր վերելքն էր<sup>11</sup>, որ մղում էին գյուղացիները ֆեոդալների դեմ թոնդրակյանների գրոշի ներքո: Պաշտոնական եկեղեցին և հայ բուրժուական պատմագրությունը<sup>12</sup> այս շարժումը համարում են սոսկ աղանդավորական և հայ իրականությունը խորթ մի երևույթ: Սակայն չպետք է մոռանալ, որ այս շարժման գաղափարախոսները հավասարություն և ազատություն էին պահանջում նաև կյանքի այլ ասպարեզներում: Առհասարակ եկեղեցական կազմակերպությունները հանդես էին գալիս որպես ամեն մի իշխանություն նվիրագործող կազմակերպություններ, ուստի «... ֆեոդալիզմի դեմ մղվող ամեն մի պայքար այն ժամանակ պետք է կրոնական զգեստավորում ընդուներ, ամենից առաջ եկեղեցու դեմ ուղղվեր»<sup>13</sup>:

Թոնդրակյան շարժման ուսումնասիրման կարևորությունը իր վրա է հրավիրել շատ անվանի հայագետների ուշադրությունը<sup>14</sup>, սակայն նրանց սկզբնաղ-

10 Նույն տեղում, էջ 329:

11 Հմմտ. Ս. Պողոսյան, Գյուղացիների ճորտացումը և գյուղացիական շարժումները Հայաստանում IX—XI դդ., Երևան, 1956, էջ 347:

12 Հմմտ. Ռ. Սարգիսյան, Ոսումնասիրություն Մանրեա-Պաղիկյան Թոնդրակեցիների առանդին և Գր. Նարեկացու թագրը, Վենետիկ, 1893:

13 Լ. Մարքոս, Ֆ. էնգելս, Ընտիր երկեր, հատ. 2, Երևան, 1950, էջ 123:

14 Տե՛ս Ռ. Սարգիսյան, նշվ. աշխ., Գեր-Արտեմյան, Die Paulikianer

բյուրների ցանկում<sup>15</sup> հաղվաղեալ է հիշվում Պողոս Տարոնացու անունը<sup>16</sup>, որը, ի դեպ, ապրած լինելով XI—XII դդ., բաջ ծանոթ էր թոնդրակյան շարժման մանրամասնություններին և շնայած որոշակի զսպվածությանը, կարևոր տեղեկություններ է հաղորդում, որոնք լույս են սփռում թոնդրակյան շարժման հետ կապված որոշ հարցերի վրա:

Վիճելի կամ տարակարծությունների տեղիք տվող հարցերից մեկը թոնդրակյանների և նրանց նախորդած սոցիալական շարժումների, հատկապես պավլիկյանների, պաշտարական կապի խնդիրն է: Նախորդ աղբյուրները բնդհանուր ձևով թոնդրակյաններին կապում են այլ շարժումների հետ, բայց այդ կապի մասին որոշակի համարյա ոչինչ չեն ասում: Այդ հիման վրա Ա. Հովհաննիսյանը ենթադրում է, որ պավլիկյանների և թոնդրակյանների զաղափարախոսական կապը հատկապես ուժեղ է եղել վերջիններիս սկզբնավորման ժամանակ, այլ կերպ ասած՝ պավլիկյանների գործունեության մայրամուտին ասպարեզ իջած թոնդրակյանները նրանց հետ ունեցել են որոշակի շփման կետեր<sup>17</sup>:

Այս ենթադրությունը հաստատում է Պողոս Տարոնացին, թոնդրակյաններին և նրանց առաջնորդ Սմբատ Զարեհավանցուն համարելով պավլիկյանների հետևորդներ: «Զայս արարին թոնդրակեցիքն... զոր դուք պապիկանոսք ասեք,— գրում է Տարոնացին Թեոփիստին հղած թղթում,— սոքա էին աշակերտք պղծոյն Սմբատայ, այն որ ղեղեցաւ յաղանդոյն պապիկեան ազգէն»<sup>18</sup>:

Բերված հատվածը թույլ է տալիս ենթադրել, որ բյուզանդացիները թոնդրակյաններին նույնացրել են պավլիկյանների հետ<sup>19</sup>: Թոնդրակյանների և պավլիկյանների մերձեցումը շարունակվում է նաև IX դարի 70-ական թթ. հետո,

im Byzantinischen Kaiserreiche und verwandte Ketzersche Erscheinungen in Armenien, Leipzig, 1893. Ս. Պողոսյան, նշվ. աշխ. Ա. Հովհաննիսյան, Դավադներ հայ աղատարական մտքի պատմության, հատ. Ա. Երևան, 1957: Նույնի՝ Движение Тондракидов в Армении в IX—XI вв., «Вопросы истории», 1954, № 10: Ա. Մեսացի, Թոնդրակյան շարժման մի քանի գլխավոր հարցերի մասին, ՀՍՍՀ ԳԱ «Տեղեկագիր» (հաս. գիտ.), 1954, № 3, էջ 63—84: Գ. Տեր-Մկրտչյան, Անանիա Նարեկացի, «Արարատ», 1892, № 1, էջ 1—5: К. Юзбачян, Тондракидское движение в Армении и павликиане, ՀՍՍՀ ԳԱ «Տեղեկագիր» (հաս. գիտ.), 1956, № 9, էջ 31—44: Վ. Համադասյան, Թոնդրակեցիների շարժման էպոխան և զաղափարախոսությունը, ՀՍՍՀ ԳԱ «Տեղեկագիր» (հաս. գիտ.), 1949, № 3, էջ 37—66:

15 Դրանք են՝ «Ստ. Տարոնացույ Ասողկան Պատմութիւն տիեզերական», Պետերբուրգ, 1888: «Գրիգոր Մագիստրոսի թղթերը», Աղերսանդրապոլ, 1910: Արիստակես Լաստիվերտցի, Պատմութիւն, Երևան, 1963: Գրիգոր Նարեկացի, Թուղթ ողղված Կճավա վանքին, «Գիրք թղթոց», Թիֆլիս, 1901, էջ 498—502:

16 Գ. Տեր-Մկրտչյանը (տե՛ս նշված աշխատության հայերեն թարգմանությունը, Երուսաղեմ, 1938, էջ 149—153) և Ա. Հովհաննիսյանը (տե՛ս «Դավադներ...», հատ. Ա, էջ 299—348) օգտագործել են Պողոս Տարոնացու միայն հրատարակված տեղեկությունները:

17 Տե՛ս Ա. Հովհաննիսյան, Դավադներ..., հատ. Ա, էջ 363:

18 Մաշտոցի անվ. Մատենադարան, ձև. № 1154, էջ 240ր և № 671, էջ 74ր:

19 Հենվելով Աննա Կոմենեայի հաղորդած տեղեկությունների վրա, Հ. Բարթիկյանը գեղեցիկ 1957 թ. ապացուցել է, որ իրոր բյուզանդացիները թոնդրակեցիներին անվանում էին պավլիկյաններ: Տե՛ս Հ. Բարթիկյան, Պավլիկյանների առասպելական ծագումը..., ՀՍՍՀ ԳԱ «Տեղեկագիր» (հաս. գիտ.), 1957, № 1, էջ 89:

երբ կայսրության կողմից հալածված պավլիկյանների մնացորդները ապաստանում են թոնդրականների մոտ<sup>20</sup>:

Տարբեր ժամանակներում հանդես եկած լինելու հետևանքով նրանց սոցիալ-քաղաքական և դադափարական պահանջները այլ էին, սակայն թոնդրականները, սնվելով պավլիկյանների գաղափարական ակունքներից, նոր եռանդով շարունակեցին վերջիններիս ավանդական պայքարը:

Թոնդրականների կիրառած պայքարի ձևերի և շարժման ընդգրկած տարածքի վերաբերյալ ևս Տարոնացին հայտնում է կարևոր տեղեկություններ: Նախորդ աղբյուրներից հայտնի է, որ թոնդրականների դործունեությունը աշխուժացել էր հատկապես Հերքում, Ռշտունիքում, Վասպուրականում, Մոկաց աշխարհում, Սյունիքում, Շիրակում և այլուր<sup>21</sup>: Գրիգոր Մագիստրոսի՝ Ասորոց կաթողիկոսին ուղղված թղթից ենթադրվել է, որ թոնդրական շարժումը ծավալվել է նաև Ասորիքում<sup>22</sup>: Սրանք թեև համոզիչ, բայց և այնպես ենթադրություններ են: Տարոնացին այստեղ ևս գալիս է լրացնելու աղբյուրների վերոհիշյալ կոահումները. «...Աղանդաւորք... թագստեամբ շրջեալ բնակին յաշխարհս տաճկաց որ նստ (որպես նեստոր—Հ. Մ.), որ բնակեցաւ ի մէջ քաղղեացոցն: ...Իսկ նոքա ի ձեռն աղանդաւոր արատոյն իւրեանց յազգէ հաւատացելոց ի փախուստ լինին և ի մէջ տգիտացն շրջին: Եւ քակեն զպակասամիտսն ի հաւատոցն Քրիստոսի և բանակոիւ լինին ընդդէմ անարտոյթեան Քրիստոսի: Եւ յորժամ յաղթին ի զինուորացն Քրիստոսի՝ ի թշնամիքն Քրիստոսի ապաստանին ի թուրք կամ ի տաճիկ...»<sup>23</sup>:

Բերված հատվածը նախ հաստատում է, որ իրոք թոնդրականները ունեցել են տերիտորիալ լայն ընդգրկում, երկրորդ՝ լույս է սփռում նրանց պայքարի ձևերի ու մեթոդների վրա: Նրանք պայքարում էին երբեմն գաղտնի, երբեմն բացարձակ, իսկ այդ պայքարում ծանր կացության մեջ ընկած պահին ապաստանում էին նույնիսկ Քրիստոսի թշնամիների՝ այսինքն՝ թուրքերի և արաբների մոտ<sup>24</sup>: Թոնդրականները փաստորեն պայքարում էին երկու ճակատով՝ հայրենական պաշտոնական եկեղեցու և բյուզանդական ազդեցության դեմ: Թոնդրական շարժումը շահմանափակվեց հայ իրականության նեղ շրջանակներում, այլ, «մի շարժում էր այդ,— նշում է Ա. Հովհաննիսյանը,— որը հանդիսանում էր... Միջին և Առաջավոր ասիական երկրներում համատարած հակաթեոդալական-գյուղացիական պայքարի բաղկացուցիչ մասը»<sup>25</sup>:

Մի քանի կողմնակի տեղեկություններ հիմք են տալիս ենթադրելու, որ թոնդրական պայքարը չի դադարել անգամ այն դաժան հալածանքներից հետո, որ կազմակերպեց նրանց դեմ Գրիգոր Մագիստրոսը:

20 Ա. Հովհաննիսյան, Դրվագներ..., հատ. Ա, էջ 377: Հմմտ. К. Ю з о а ш а н, նշվ. աշխ., էջ 31—44:

21 Ս. Պոռոսյան, նշվ. աշխ., էջ 411—430:

22 Ա. Մնացականյան, նշվ. աշխ., էջ 82:

23 Մաշտոցի անվ. Մատենադարան, ձեռ. N° 1154, էջ 141ա և N° 671, էջ 74բ:

24 Ի դեպ, այդպես էին վարվում նաև պավլիկյանները, որոնք արարական տիրապետության վաղ շրջանում, օգտվելով նրանց ժամանակավոր հովանավորությունից, պայքարում էին բյուզանդացիների և հայկական եկեղեցու դեմ: Տե՛ս «Յովհաննու իմաստասիրի Անճեցոյ Մատենագրութանք», ի Վենետիկ, 1834, էջ 78:

25 Ա. Հովհաննիսյան, Դրվագներ..., հատ. Ա, էջ 368:

Վերևում հիշված թուրքերը հավանաբար հենց թուրք-սելջուկներն են, որոնք XI դարի 70-ական թվականներին նվաճեցին Մերձավոր Արևելքը: Եթե այս ենթադրությունը ճիշտ է, ապա սլարավում է, որ թոնդրակյանները իրենց սլաքարը հոգևոր և աշխարհիկ տերերի դեմ շարունակել են թուրք-սելջուկների հաստատվելուց հետո ևս: Այն հանգամանքը, որ Տարոնացին XII դ. I քառորդում այս հարցին անդրադառնում է բավականին կրքոտությամբ, հիմք է տալիս համոզվելու, որ թոնդրակյան շարժումը XII դարում ևս ունեցել է որոշ արդիականություն: Թոնդրակյանների գոյատևման հարցը ավելի որոշակի կդառնա, երբ նկատենք, որ հենց Մազիստրոսի հալածանքներից հետո փրկվել էին բավականին թոնդրակեցիներ, որոնց և վերջինս ուղղել է իր նամակներից մեկը<sup>26</sup>:

Պրոֆ. Լ. Բելիքսեթ-Բեկը անդրադառնալով Պողոս Տարոնացու գրական ժառանգությանը, նշում է, որ Տարոնացին, ի թիվս այլ նորությունների, տալիս է նաև «Թոնդրակյաններին հաղորդակից և նրանց շարժման մասնակից մեկի անունը, որը անհայտ է այլ աղբյուրներից (և նույնիսկ մտած չէ Հ. Աճառյանի «Հայոց անձնանունների բառարանի» մեջ), այն է՝ «Ասլելլա»-ի»<sup>27</sup>:

Իրականում Տարոնացին թոնդրակյաններին համեմատում է այլ շարժումների՝ էպիկուրյանների, մանիքեցիների և այլոց հետ և հայտնում հետաքրքիր մտքեր: Հիշյալ «Ասլելլան» ոչ թե թոնդրակյան շարժման մասնակից է, այլ մանիքեական. նրա մասին հանգամանորեն խոսում է Նվսեբիոս Կեսարացին<sup>28</sup>, անունը մեջ բերելով «Ասլեղէս» ձևով, որից օգտվելով Տարոնացին «Ասլեղէս»-ը դարձրել է «Ասլելլա»:

Հստ Տարոնացու, թոնդրակյանների գաղափարախոսությունը բավականին արմատական էր: Նրա տեղեկություններից կարելի է ենթադրել, որ թոնդրակյանները քարոզում էին, թե մարմնի հետ միասին մահանում է նաև հոգին. «Սուրբ գրոց ոչ հաւատան և ընդունին,— դառնացած գրում է Տարոնացին,— և ասեն, թէ այն որ մեռաւ՝ ասրականեալ կորեալ: Խոտոց և ծառոց նմանեցուցանեն զայս կենցաղս: Եթէ որպէս խոտն կորեալ այլ ոչ կենդանանայ, այլ արմատն նորա կենդանանա»<sup>29</sup>:

Մարդկային կյանքը թոնդրակյանները համեմատում էին բնության երևույթների հետ և հանգում իրականության որոշակի ըմբռնմանը: Հոգու անմահության և հանդերձյալ կյանքի մերժումից հետո թոնդրակյանները հետևողականորեն մերժել են նաև վերջին դատաստանը և դրա համար կատարվող բոլոր եկեղեցական խորհուրդները՝ հատկապես պատարագը: Եկեղեցական արարողությունները մերժող թոնդրակյանները մերժում էին նաև եկեղեցին, նրա նվիրատվությունը, սրբավայրերը, խաչափայտը և այլն: Սուրբ խաչին լոկ փայտ են ասում,— տրտնջում է Տարոնացին և ավելացնում. «Վասն զի աղօ մի որ զհաւատոյն վկայ և հաստատութիւն և աստուած ոչ ունի, նորա ոչ է պիտոյ խաչն՝ կամ եկեղեցին»<sup>30</sup>:

Նախորդ աղբյուրները խիստ ընդհանուր ձևով են ներկայացնում թոնդրակյանների գաղափարախոսության որոշ կետեր՝ հատկապես եկեղեցու ժրխ-

26 Տե՛ս «Գրիգոր Մազիստրոսի թղթերը», էջ 164:

27 Լ. Բելիքսեթ-Բեկ, Պողոս Տարոնացի..., էջ 43:

28 Նվսեբիոսի Կեսարացու Պատմություն եկեղեցույ, Վենետիկ, 1677, էջ 368—371:

29 Պողոս Տարոնացի, նշվ. աշխ., էջ 264:

30 Նույն տեղում, էջ 260:

տուժը: Հայտնի է, որ թոնդրականները նույնիսկ քանդում էին եկեղեցիները<sup>31</sup>, բայց այդ ժխտման հիմնավոր տեսական պատճառաբանությունը չի ներկայացված որևէ աղբյուրում: Տարոնացին տալիս է այս հարցի արժեքավոր մանրամասնություններ: Դժուր բրիստոնյա ժողովուրդները, հայտնում է նա, ունեն իրենց եկեղեցիները, որպես աստծո տուն, «իսկ անիծեալ թոնդրակեցիքն ի նախատինս և ի հայհոյանս զսայ համարեցան, եթէ՝ այս եկեղեցիս քար է և հող անբարբառ, եկեղեցի մենք եմք, որ բանաւոր եմք»<sup>32</sup>:

Պարզվում է, որ թոնդրականները եկեղեցին համարել են հասարակ տուն, կառուցված անբարբառ քարից և հողից, միանգամայն գուրկ երկնային շնորհներից: Այստեղից պարզ է նաև, որ թոնդրականները մեծ դեր էին վերադրում մարդուն: Եկեղեցին մարդն է, որ բանականություն ունի, որ կարող է խոսել և մտածել, իր խոհերն ու ձգտումները անհրաժեշտության դեպքում հաղորդել նաև աստծուն առանց եկեղեցու և եկեղեցականների միջամտության:

Այսպիսով, թոնդրականները երկնային շնորհատուր հատկություններ վերադրում էին միայն անհատին, բանականություն ունեցող մարդուն: Թոնդրական շարժման պատմությամբ ղեկավար մասնագետները միաբերան հաստատում են, որ թոնդրականները իրենց վարդապետությունը գրի են առել, այլ կերպ ասած՝ ունեցել են իրենց գրականությունը, որը ոչնչացվել է պաշտոնական եկեղեցու կողմից: Սկզբնաղբյուրների պարունակած տեղեկություններն այս մասին շատ աղուտ ու անորոշ են<sup>33</sup>: Տարոնացին ևս հաստատում է թոնդրական գրականության առկայությունը:

«...Արդ նոքա (թոնդրակեցիները) ի լեզուս մեր խոսին և ի լեզուս մեր լինթեռնուն՝ լոկ առանց հաւատոյ, և ի գրոց բանից ջանան պատրել զտգէտան»<sup>34</sup>:

Պարզվում է, որ թոնդրականները ոչ միայն բանավոր քարոզներով ու զենքով էին պայքարում, այլև գրչով: Նրանք խոսում և գրում էին հայերեն, թեև այդ նույն գրով ջանում էին խաբել, «պատրել տղետներին»: Այս պարագայում նրանց շարքերում գիտուն գործիչների առկայությունը ևս չի բացառվում: Մեծ ընդգրկում ընդունած հուժկու այս շարժումը ուղղված էր տիրող հասարակարգի, նրան սրբագործող պաշտոնական եկեղեցու ու արտաքին ագրեսիայի դեմ:

Ինչպես տեսնում ենք, այս շարժման արժանահիշատակ աղբյուրներից մեկը XI—XII դդ. մատենագիր Պողոս Տարոնացին է, որի հաղորդած տեղեկությունները երբեմն նորություն են, երբեմն էլ հաստատում են նախորդ աղբյուրներում եղածը: Նկատենք նաև, որ 1123 թ. մահացած Պողոս Տարոնացու տեղեկությունները որոշ կարևոր հարցերում տարբերվում են նախորդներից: Կարելի է ենթադրել, որ Տարոնացին թոնդրական շարժման վերաբերյալ իրեն հայտնի տեղեկությունները քաղել է իր ժամանակակիցներից, ուստի XII դարի առաջին քառորդում ևս թոնդրական պայքարը ունեցել է որոշ արդիականություն:

31 Տե՛ս Ա. Լաստիվերտցի, էջ 128:

32 Մաշտոցի անվ. Մատենադարան, ձեռ. N° 1154, էջ 141ր: Հմմտ. ձեռ. N° 671, էջ 75ա:

33 Տե՛ս «Գիրք թղթոց», էջ 501—502:

34 Մաշտոցի անվ. Մատենադարան, ձեռ. N° 1154, էջ 141ա:

## ПОГОС ТАРОНАЦИ О ТОНДРАКИНСКОМ ДВИЖЕНИИ

Г. Г. МАНУЧАРЯН

(Р е з ю м е)

Погос Таронаци является одним из неизученных авторов XI—XII вв. До нас дошли некоторые его работы, которые проливают свет на общественно-политические отношения в Армении в XI—XII вв. В них особенно ценны сведения о социальном движении тондракийцев. Новый материал, знакомящий нас с формами и методами борьбы тондракийцев, дает основание полагать, что они продолжали борьбу и во второй половине XI в. Выясняется, что тондракийцы имели свою литературу и вели письменную пропаганду.